

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

— ❦ —

مسلکمه موافق آثار قبول اولنور.
درج اولغیان اوراق اعاده اولماز.

مَعْلُومَات

اداره خانه سی باب عالی جاده سنده
۵۲ نومرولی « شرکت مرتابه »
مطبعه سیدر.

— ❦ —

استانبول ایچون سنه لکی مطبعه دن
آلغی شرطله ۴۰ طشره لره پوسته
اجرتیه برابر ۶۰ غروشدور.

نسخه سی ۱ غروش

پنجشنبه کونلری نشر اولنور ادبی، فنی و صناعی غزدر

نسخه سی ۱ غروش

حسیات بدیعه الهام ایدن شومناظرده تدریجاً
دکیشیر: کونش افق غربی به دوغرو تنزل
کوستر؛ شوراده بوراده پیدا اولان سحابیا-
ره لر کیت کیت چوغلمغه، چوغالدقچه سما
بررنک تحزن قابلامغه باشلار. نهایت مهر منیر
قیرمزلی، سیاهلی بولوطلر آراسندن هاله لر
عرض ایدرک غروب ایدر. اطراف ینسه
اون ایکی ساعت اولکی ظلام هجرانه بورونور.
طبیعت ساکن، فقط مهیب برمنظره آلیز.
سکوتی اخلاص ایده بیله جک بر سنن بیله
دویولمز. بیوک شهرلرک شمتی یواش یواش
آزالیر. دره لرده عکس انداز اولان بر قاق
چوبان سسی قویونلری آغیله طویلادقدن
صوکره سامعه یه واصل اولماز. طبیعت
اختفا کاهندن صولوق آلق ایچون چیقمش
برازدرکی آغیر آغیر تنفس ایدر. بولوطلرک
منظره سی دهشت انکیز اولور. افق اوزرنده
بلا فاصله بر برینی تعقیب ایدن شمشکلر بر آز
صوکره شولیل ظلمت آبادده ظهور ایده جک
بر طوفان دهشت فشانی، بردوزی به سامعه
خراش اولان رعودک صدای مخافت افزاسی
شوفضای سکونت پیمانی طولدیره جق برولولؤ
جانکدازی اخبار ایدر. داغلرکی دالغله
بیاض کوپوکلره بورونه رک او قیا نوسک الی
مدال نظر امتداد ایدن سطحی اوزرنده یو-
وارلانیز. سیالات الکتریقه مرکبات هوا یی
تحلیل، دور ثالثک شدتلی طوفانلری
آکدیران بریاغموور اطراف سیلابه لره غرق
ایدز. یاغموور دانه لری سطح امواجه اصابت

کیچنک حالی بر مقبره نک سکون ابدیسی
آکدیرر. بوسکون مهیب بعضاً پک اوزون
سورر. دیرکن افق شرقیده چهره فجرک
ابتسامندن خفیف برضیا پیدا اولغه باشلار.
اطراف قیامتله بورون ظلمتلر پرده پرده
صیریلوب آچیلیر. نجوم بر فلاکت زده نک
ظلام یأس ایچنده کوردیکی صوک امید
شعله لری کی تدریجاً سوزن. دوره تنور
یاواش یاواش تکمیل افقی استیلا ایدر.
نهایت مهر عالم آرا عظمت فیاضانه سیله طلوع
ایدز؛ اطرافه نشر ایتدیکی حرارت لطیفه نک
موجوداته تأثیری در حال مشهود اولغه
باشلار. ال اول دائرة افقی تحدید ایدن
جبال متسلسله نک شواهی تنور ایدر. مهر
تابان راکد برکولک سطحه انعکاس ایله سرو
زریلر نمایان اولور. نسیم روح پرور شعلا
عات شمسیه نک نظر ربا رنگاره غرق ایتدیکی
بر چمنزاری اوپه رک، اوقشایه رق لطیف لطیف
موجه لرله تهیز ایدر. هوام رنگ آمیز قناد-
لرندن قیرمزی، یشیل نورلر صاچهرق او-
چوشور. ضیالر کیچه پر یلرینک اوراق ازهار
اوزرنده بر اقدقلری دموی تحسره بکزمین
شبنملره تصادف ایتدیکه قوس قزح حاصل
اولور. قوشلر اوتر؛ دره لر ایکلر؛ داغلره،
قایالره وارنجیه قدر. هرشی سس ویرر؛
مصنوعات قدرت علویه صانعی تقدیس ایدر.
بتون بونلر هوانک برر تأثیر بدیعدر.
مهر عالمتاب سمت رأسه دوغرو ترفع
ایتدیکه روجه، وجدانه بیکلر جه یوز بیکلر جه

هوا و مناظر هوا

متقدمینک (عناصر اربعه) سی موالید
ثلاثه نک تشکله پک بیوک خدمت ایتشدور؛
بو عناصرک ال مهمی هوادر. بوکون طبقات
ارضک ترسبات هوا یه و مایه ایله یانار
داغلرک اندفاعاتندن تگون ایتمش اولدیغی
بیوک ایچون پک درین عالم اولوق اقتضا ایتز؛
صوبی ترکیب ایدن مولد الما ایله مولد الحمو-
ضه نک هوادن باشقه برشی اولمیدیغی ایسه
هرکس بیلیر. قرقی هوادن عاری اجرآمده
صو بولمیدیغی فلکیات ایله حکمت طبیعه
فلری سویلور. ارضک، سیاراتک، تکمیل
اجرامک ماده اولیه سی اولان اثیری دوشو-
نلم: اثیر هوایی بر ماده دکیدر؟ مریخک،
عطاردک، زهره نک، مشتری نک کثیف برر
هوا ایله محاط اولدیغی رصد دوربینلرله
کورپیورز. ارباب نجوم مریخک تحولات
هوا یه سنی، زهره نک فورطنلرینی . .
مشترینک خط استواسنه موازی اوله رق
امتداد ایدن بولوطلرینی . . شمسک حادثات
جویه سنی تدقیق، اجرامک مرکبات هوا یه
لرینی تحلیل ایدر. بونلرکی ارضده بهر-
دار فیوضات هوادر. ارض برمترو قطرنده
برکولله اولسه هوا بونک اوزرنده بر میلیترو
مخمنده کوستریله بیلیر: هوا ایله ارض متحد
المرکز ایکی دائره در. انسانلر، حیوانلر، اوتلر،
دکزلر، نهرلر، دره لر هوا سایه سنده یاشار؛
هوا ارضک مدار حیاتیدر . . .

ایتدجکه اطرافه شراره لر صاچیلیر. امواج
بحرک ساحلله چارمسنندن خوف ایلکدیلر
پیدا اولور. بر آز اول سطح ارضی حیاتیخشا
برصورتده اوقشایان نسیم بر آز صوکره
فورطیه انقلاب ایدرک اغاجلری سوکش،
برچوق آثار بشریه یی تخریب ایتمش، امواج
بحر اوزرنده چالقانان جسم برستفینه یی
غرق ایلش. طبیعت بوندن نه ضایع ایدر؟
هیچ! هوا حیاتی بسلر. بوکی خادئات مختلفه
ازباب فی ماهیت مشهوداتک تدقیقه، عوامی
عجزله قاریشیق بر حیرته سوق ایلر. هوا
حسیات وجدانییه حاکمدر.

شاعر هوانک ظهوره کتیردیکی بومنا.
ظردن ملهم اولور. آفاق طبیعیه برچوق
بدایع تصور ایدر. هوانک مجموعنی برستدینه.
بی آغلا دیر. قابلیت تأثر افکاری محاسن
ومکاره سوق ایلر. هوا انسانیه خادمدر.
حرارت شمسه ذکرلردن حاصل اولان
بخارات سماده بولوطلر وجوده کتیرر.
بخارلر یاغموور حالده ارضه عودت ایدر.
کونش سمانک اعماق مظلله سنده یکدن کو.
زولور. یدی رتکدن مرکب بر علام سما
آفاقی ترین، فجر شمالی لیلی قطبیه یی تنویر
ایلر. شهابلر برر تیر آتشین کی فضایی دله.
رک کچر، مناسظر قریه زوخت حسیات
علویه سنی تهیج ایدر. هوا اولسه سطح ارضده
نشانه موت اولان سکوتدن باشقه برشی
مشهود اولمازدی!

ناقل صدا هوادر. هوا اولسه صدا
انتقال ایتز، الفاظ ایله افهام مقصد قابل
اولمازدی. هوا اوصاف عقلیه نک بر بشر-
طیدر...

هوا انسجه عضویه داخل اولور. تنفس
هوا سایه سنده ممکن اولدینی کی اغدییه
ترکیب ایدن مولد الحوضه، ضو بخاری،
مولد الماء، آسید قاربونیک ده مرکبات هوا-
یه دندر. بوکون وجود مرکب بر ذره سی تنفس

ایله هوایه قاریشوق بر مدت صوکره نباتات
وحیواناتدن برینک انسجه سته داخل اولور.
هوا اجسام عضویه آراسنده بر رابطه صمیمیه
عالمده آثار حیات هوانک اعالیه سیله
حاصل اولور. اجزای خلقت ایله هوانک
تموجات حیاتییه سی آراسنده مشهود اولان
دائی بر مبادله سایه سنده ذرات هوایه انسجه
عضویه ومعنییه داخل بولنور. تشکلات
عضویه دن آیریلان ذرات هوایه قاریشیور.
هربر ذره هوایه حیاتدن موته، موتدن
حیاته انتقال ایدیور. منبع حیات اولان
هوا نباتاتی، حیواناتی بسلر.

نباتات، حیوانات هوانک امتصاصیه
یاشایوب اولور. موت و حیات ذرات هوا-
یه نک مبادله دائمیه سیدر: بر چشمه ساره سایه
انداز اولان اوچ یوز سنه لک بر چناردن
هوایه قاریشان بر ذره، اضطرابات دنیویه نک
آغوشنه آتیلان نوزادک معصوم قلبه کچر.
اولوم دوشکنده ایکله یین بر پچاره نک دم
واپسینندن صحاری، جنانده متبسم چیچکدر
حاصل اولور.

هوا ارضی ترین ایدر. هوادن انتشار
وانعکاس ایدن خطوط شعاعیه سمایی آچیق
مائی بررنکه بویار.

بر عالم تصور اولسون که هوادن عا-
ریدر. بربرودت که قطب لک دامارلرده کی
قانی دوندیران صغوقلری یاننده نفخه جنت
قدر روح پرور! بر سکونت که سکوت مقبره
هم آهنگ! بویله بر عالمک تصویری بیه انسانه
دهشت بخشد!

—x—x—x—

❖ تقلید ❖

انسان بر عالم تهاییده یاشایوب اوصاف
عقلیه و ملکات روحیه سنی یالکز حسیات
وجدانیه و افعال عضویه سته تطبیق ایده میه.

جکی کی کندیسنی هم جنسیله معاشرت
و مناسبتیه سوق ایدن بر حس صمیمیه ده
اصلا مقاومت ایده مز. بو معاشرت و مناسبتیه
سننک مبدئی تقلیددر. حال صباوتده تقلید
ایدیلن افعال و حرکات اعتیادات تجربیه دن
عبارت ایسه انسان دایما بونلری تقلیده
مجبوردر. چونکه نسلدن نسله توارث
وانتقال ایدن اعتیاداتی هربر شخصک تقلید
سنز یالکز تجارب ذاتیه سیله وجوده کتیره.
میجکده شبهه یوقدر. تقلیدک مبدئی ده
صباوتدر. بر چوچوق عالمه سی افرادینک
حرکات و اطوارینی بلا رویه تقلید ایدرکه
بوکا بر تقلید مادی دیه بیلیرز. دهها صوکره
اوقودینی کتابلردن استحصال ایتدیکی معلو-
مائی، عالمه سنک. . . معینک کندیسنه القا
ایلدیکی افکار و حسیاتی علی العاده قبول
وهنوز او یانمغه باشلایان قوای معنویه و ملکات
عقلیه سنی برابر بولندینی کیسه لک استدرا-
کانه تطبیق ایلرکه بوده معنوی بر تقلید
دیمکدر. بو حال قابلیت شخصیه واستعداد
طبیعی به کوره تخلف ایدر سده یه نک
چوق مدت دوام ایلر. بعض کیسه لر کو.
رولور که کندی کندیلرینه هیچ برشی
ابداعنه موفق اوله میوب عمرلری باشقه لریه
تقلید ایله افنا ایدرلر. ذکاوتک اک بیوک
دلیلی ابداعدر.

انسان ای بی فنادن، دوعروبی یاکلشدن
تفریق ایتک اقتدارینه مالک اولنجه، او
زمانه قدر تقلید ایله اکتفا ایتیش اولدینی
افکاری استدالات عقلیه سیله محاکمه ایده رک
ویک چوق دفعه لر خطا ایتدیکی اعترافه
مجبور اوله رق نفسنه قارشی دایما محبوب
اولور. بو حسده احتمال که تکمیل محاسن
ومکارم اخلاقک مبدئی اولان عزت نفسک
مقدمه سیدر.

انسان بو کون تقلید ایتدیکی فکری
یارین بکمز. دهها صوکره بو حکمنده ده